

# BERITA PETALING JAYA

Misi Perkhidmatan Pelanggan

**Mesra, Cepat & Tepat**

KUALITI KEUTAMAAN KAMI



[www.mbpj.gov.my](http://www.mbpj.gov.my)



Majlis Bandaraya Petaling Jaya



BIL. 8/2020

• : 03-7956 3544 samb. 203 / 205 / 206

: 03-7958 2695

: media@mbpj.gov.my

**PERCUMA**

## MAJLIS BANDARAYA PETALING JAYA



4



DATUK BANDAR DAN PENGURUSAN TERTINGGI  
MAJLIS BANDARAYA PETALING JAYA

**MARKAH KESELURUHAN : 97.60%**

Berita Penuh MS. 3

## MAJLIS BANDARAYA PETALING JAYA TERIMA PENGIFTIRAFAN PENARAFAN 5 BINTANG



### STRATEGI BAJET 2021

Bajet Majlis Bandaraya Petaling Jaya tahun 2021 adalah dirangka berlandaskan kepada strategi hasil cukai taksiran berdasarkan kepada jumlah pegangan harta yang aktif bagi tahun 2020.

Berita Penuh MS. 7



### INFORMATION SECURITY MANAGEMENT SYSTEM (ISMS)

Audit Pemantauan kedua MS ISO 27001:2013 Sistem Pengurusan Keselamatan Maklumat (Information Security Management System-ISMS) oleh pihak SIRIM QAS International Sdn. Bhd. ke atas MBPJ.

Berita Penuh MS. 5

## Sidang Redaksi

[www.mbpj.gov.my](http://www.mbpj.gov.my) Majlis Bandaraya Petaling Jaya pjcitycouncil smartpj

PENAUNG  
Dato' Mohd Sayuthi bin Bakar



PENASIHAT  
Hjh. Azlinda binti Azman  
Haniza binti Abdul Hamid

KETUA PENGARANG  
Abdul Hakim bin Khairuddin

WARTAWAN  
Ahmad Iskandar bin Muhamad Mukhtar  
Nor Shalizawati binti Hj Baharudin  
Muhamed Azmi bin Yusoff  
Hasbullah Bin Juyahir

PEMBANTU PENERBITAN  
Nur Mazliyana Edurar binti Mazelan  
Mohammad Shah bin Badlishah

JURU GAMBAR  
Rusdi bin Mohammed Halik  
Intan Khairana binti Md. Zali  
Salimey bin Abu Bakar

PEREKA GRAFIK  
Badrul Hisham bin A Bakar  
Ihfaznur Ashikin binti Mohammed Arifin

MAKLUM BALAS DAN CADANGAN  
HANTARKAN KEPADA  
Unit Komunikasi Korporat  
Majlis Bandaraya Petaling Jaya  
Tel : 03-7956 3544 samb. 203 / 205 / 206  
Fax : 03-7958 2695 Email : media@mbpj.gov.my

## PENGURUSAN TERTINGGI MAJLIS BANDARAYA PETALING JAYA

Dato' Mohd Sayuthi bin Bakar  
Datuk Bandar  
Tel : 03-7956 3544 samb. 325

Hjh. Azlinda binti Azman  
Timbalan Datuk Bandar  
Tel : 03-7956 3544 samb. 323

TPr. Hjh. Sharipah Marhaini  
binti Syed Ali  
Timbalan Setiausaha / Pengarah,  
Jabatan Perancangan  
Pembangunan  
Tel : 03-7955 2562

Mohd Rosnani bin Hj. Hamid  
Pengarah,  
Jabatan Khidmat Pengurusan  
Tel : 03-7955 0819

Hjh. Nik Nazli binti Nik Abdullah  
Pengarah,  
Jabatan Perbendaharaan  
Tel : 03-7955 2354

Ir. Ismail bin Shafie  
Pengarah,  
Jabatan Kejuruteraan  
Tel : 03-7958 7993

Datin Sr. Amreeta Kaur  
a/p Pretham Singh  
Pengarah,  
Jabatan Penilaian Dan  
Pengurusan Harta  
Tel : 03-7955 2428

Aznan bin Hj. Hassan  
Pengarah,  
Jabatan Pembangunan  
Kemasyarakatan  
Tel : 03-7960 3293

Hamidah binti Hj. Ariffin  
Pengarah,  
Jabatan Kawalan Bangunan  
Tel : 03-7956 3544 samb. 252

LAr. Dr. Badrulzaman bin Jaafar  
Pengarah,  
Jabatan Lanskap  
Tel : 03-7804 8907 samb. 104

Mohd Fauzi bin Maarop  
Pengarah,  
Jabatan Pengurusan  
Tel : 03-7958 8081

Hjh. Sharinaz binti Hj. Samsudin  
Pengarah,  
Jabatan Pelesenan  
Tel : 03-7960 4513

Mahzura binti Mohd Amin  
Penolong Pengarah Kanan,  
Jabatan Perkhidmatan Kesihatan  
Dan Persekitaran  
Tel : 03-7957 5240

Lee Lih Shyan  
Pengarah,  
Jabatan Pengurusan Sisa Pepejal  
Dan Pembersihan Awam  
Tel : 03-7954 1534

Samsul Bahari bin Nonchi  
Pengarah,  
Unit Teknologi Maklumat  
Tel : 03-7955 2553

Haniza binti Abdul Hamid  
Pengarah,  
Unit Komunikasi Korporat  
Tel : 03-7958 1764

Hjh. Norlida binti Mohd Isa  
Pengarah,  
Unit Audit Dalam  
Tel : 03-7954 0130

Norzita binti Mokhtar  
Pengarah,  
Unit Perundangan  
Tel : 03-7957 8042

Tee Szu Fong  
Pengarah,  
Unit Pusat Setempat (OSC)  
Tel : 03-7954 1725

Sr. Jayanthi a/p Kupusamy  
Pengarah,  
Unit Pesuruhjaya Bangunan  
(COB)  
Tel : 03-7960 2055

Pejabat Cawangan  
Petaling Jaya Utara  
No. 19-1 Jalan Pekaka 8/1D, PJU 5,  
Prestij Kota Damansara,  
47310 Petaling Jaya, Selangor.  
Tel : 03-6143 5942

# STRATEGI BAJET 2021

PETALING JAYA

ABDUL HAKIM KHAIRUDDIN

abdulhakim@mbpj.gov.my

Bajet Majlis Bandaraya Petaling Jaya tahun 2021 adalah dirangka berlandaskan kepada Strategi hasil cukai taksiran berdasarkan kepada jumlah pegangan harta yang aktif bagi tahun 2020, jangkaan tambahan pegangan harta baru pada tahun 2021 dan pengubahsuaian hartanah berdasarkan keluasan dan kegunaan ruang lantai.

Selain itu, bagi kadar nilai tahunan dan kadar cukai taksiran adalah tidak berubah. Hasil cukai taksiran juga telah disemak semula berdasarkan unjuran pendapatan sebenar yang boleh dikutip pada tahun 2021 di mana Majlis tidak mengambil kira pengecualian cukai yang diberikan oleh Kerajaan Negeri kepada rumah kos rendah dan juga rumah kampung yang berjumlah RM 5.8 juta.

Bagi hasil bukan cukai pula adalah berdasarkan kepada punca hasil sedia ada. Penyediaan bajet bagi kategori hasil bukan cukai adalah berdasarkan kepada prestasi sebenar tahun 2019 dan juga prestasi separuh tahun 2020. Kadar hasil lesen, denda dan kompaun, fi dan caj adalah sama seperti tahun 2020. Majlis juga mengkaji punca hasil baru yang dijangka boleh dikutip pada tahun 2021.

Bagi perbelanjaan mengurus pulia ianya tidak melebihi daripada jumlah hasil yang dijangka akan dikutip bagi tahun 2021. Berdasarkan penyediaan bajet 'Zero Based Budgeting', setiap peruntukan perbelanjaan mengurus adalah diperiksa dengan teliti. Kelulusan peruntukan adalah bergantung kepada perlaksanaan aktiviti mengikut kemampuan Majlis.

Untuk anggaran perbelanjaan pembangunan, ianya telah disediakan dengan mengambil kira kemampuan dan kedudukan kewangan semasa serta kemampuan jabatan teknikal untuk perlaksanaan projek pada tahun hadapan. Majlis memfokus kepada kerja/projek penyelenggaraan yang telah dikenalpasti oleh jabatan sebagai keutamaan yang perlu dilaksanakan terutama yang mempunyai kadar aduan yang tinggi.

Terdapat projek pembangunan yang dibiayai oleh peruntukan Akaun Amanah. Sumber kutipan akaun amanah diterima daripada Kerajaan Negeri ataupun sumbangan daripada pemaju. Perbelanjaan melalui akaun amanah telah dinyatakan secara khusus di dalam Surat Ikatan Amanah (Trust Deed) sewaktu penubuhannya. Jumlah perbelanjaan Akaun Amanah adalah setakat mana kutipan yang diterima oleh Majlis.



Penduduk sedang memberi cadangan bagi memajukan dan memudahkan penduduk setempat yang lain di Petaling Jaya.

# MAJLIS BANDARAYA PETALING JAYA TERIMA PENGIFTIRAFAN PENARAFAN 5 BINTANG

PETALING JAYA

HASBULLAH JUYAHIR

hasbulah.juyahir@mbpj.gov.my


Sistem Penarafan Bintang Pihak Berkuasa Tempatan (SPB-PBT) yang dahulunya dikenali sebagai Sistem Star Rating Pihak Berkuasa Tempatan yang telah diperkenalkan oleh Kerajaan melalui Mesyuarat Majlis Negara Kerajaan Tempatan (MNKT) ke-59 adalah bertujuan untuk menilai tahap penyampaian Pihak Berkuasa Tempatan (PBT) di seluruh negara.

Kementerian Perumahan dan Kerajaan Tempatan (KPKT) telah melaksanakan SPB-PBT bagi Semenanjung Malaysia dan Wilayah Persekutuan Labuan pada tahun 2018 manakala bagi Sabah dan Sarawak pada tahun 2019. Justeru, pencapaian bagi sesi 2018/2019 ini adalah penutup kepada pelaksanaan SPB-PBT di bawah Rancangan Malaysia Kesebelas (RM Ke-11).

Pada 5 November 2020, Majlis Bandaraya Petaling Jaya telah memperolehi penarafan 5 Bintang bagi Penganugerahan Bintang Penyampaian Perkhidmatan PBT dengan markah keseluruhan yang diperolehi sebanyak 97.6 peratus. Penganugerahan penarafan untuk edisi kali ini diadakan secara dalam talian di laman pengstriman Facebook Kementerian Perumahan dan Kerajaan Tempatan. Dengan markah keseluruhan yang diperolehi, menjadikan MBPJ meraih tempat pertama PBT di negeri Selangor dan keempat bagi keseluruhan PBT diseluruh negara.

Indikator penilaian SPB-PBT pada kali ini masih mengekalkan empat kriteria dan tujuh belas sub kriteria sepertimana SPB-PBT yang terdahulu. Empat kriteria utama yang dinilai adalah Pengurusan, Perkhidmatan-Perkhidmatan Teras, Pengurusan Pelanggan dan Penyertaan Komuniti dan Pandangan Penduduk.

Majlis beriltizam untuk terus memberikan perkhidmatan perbandaran yang lebih cekap selaras dengan ekspektasi tinggi daripada pemegang taruh (stakeholders) MBPJ. Selain itu, Majlis akan sentiasa memantapkan tadbir urus dan sistem perkhidmatan yang terbaik ke arah memacu Majlis ke arah bandar raya pintar, mampan, berdaya tahan dan dinamik menjelang 2025.



Sesi penganugerahan dilakukan secara *virtual* atau secara dalam talian.



Datuk Bandar, Dato' Sayuthi bin Bakar bergambar kenangan bersama juri Audit atau wakil dari pihak SUK Selangor.

# ANUGERAH PENGHARGAAN BANDAR MAMPAN

PETALING JAYA

MOHAMAD SHAH BADLISHAH

mohammadshah@mbpj.gov.my

Majlis Bandaraya Petaling Jaya telah menjadi juara bagi Anugerah Penghargaan Bandar Mampan bagi Kategori Bandaraya bersempena dengan Sambutan Hari Perancangan Bandar Sedunia, peringkat kebangsaan pada 10hb November 2020.

Sejak anugerah ini diperkenalkan pada tahun 2007, Majlis telah mencapai tahap mampan sehingga kini. Pada tahun 2015 sehingga tahun 2019 Majlis telah memenangi Anugerah Bandar Mampan serta Anugerah Khas Pencapaian Konsisten Status Mampan dengan tahap kemampanan 99%. Majlis juga telah memenangi Anugerah Inisiatif Kejiranan Hijau (Pejalan Kaki), Anugerah Inisiatif Kejiranan Hijau (Laluan Basikal), Anugerah Inisiatif Kejiranan Hijau (Kebun Komuniti), Anugerah Inisiatif Kejiranan Hijau (Pengkomposan) dan menerima Anugerah Khas Pilihan Menteri Wilayah yang membawa pulang piala pusingan sempena Sambutan Hari Perancangan Bandar Sedunia pada tahun 2018.

MURNInets ini merupakan satu-satunya kaedah bagi mengukur tahap kemampanan bandar di Malaysia. Pencapaian kemampanan bandar dinilai oleh Kementerian Perumahan dan Kerajaan Tempatan (KPKT) melalui PLAM Malaysia dan diukur menerusi aplikasi Sistem Gerbang MURNInets dengan menggunakan piawaian yang telah ditetapkan.

Pengukuran dibuat berkaitan aspek 6 Dimensi utama dengan menggunakan 39 petunjuk. Antara Dimensi yang telibat adalah:-

1. imensi Ekonomi Berdaya Saing seperti kadar pertumbuhan tenaga buruh dan pelaburan swasta;
2. Dimensi Kualiti Alam Sekitar Mampan seperti penjanaan sisa pepejal per kapita, kualiti udara dan inisiatif pengurusan alam sekitar;
3. Dimensi Komuniti Sejahtera seperti penyediaan rumah mampu milik, kes jenayah indeks dan pengiktirafan premis makanan gred A;
4. Dimensi Gunatanah dan Sumber Asli Optimum seperti penyediaan kawasan lapang, penyediaan hutan simpan kekal dan inisiatif pelancongan;

5. Dimensi Infrastruktur dan Pengangkutan Efisien seperti penyediaan stesen/ terminal bersepadu dan kadar peningkatan kitar semula; dan
6. Dimensi Urustadbir Efektif seperti kadar kutipan hasil, perbelanjaan penyelenggaran dan peratusan perbelanjaan.

Pada tahun lepas, Majlis sekali lagi tampil cemerlang dengan memprolehi markah keseluruhan sebanyak 99% dan telah dinobatkan sebagai juara bagi kategori bandaraya diikuti tempat kedua Majlis Bandaraya Kuala Terengganu (MBKT) dan ketiga Perbadanan Putrajaya (PPj). Kejayaan ini adalah berdasarkan inisiatif yang dijalankan seperti :

- » Anugerah Komuniti Mampan yang menggalakkan komuniti Petaling Jaya menjalankan inisiatif bagi melokalisasikan Sustainable Development Goals (SDGs);
- » Anugerah *Universal Design* yang memberi galakan kepada pemilik-pemilik premis bangunan menyediakan aksesibiliti dan kemudahan kepada semua golongan.
- » Projek pemutihan kawasan *blackspot* yang memberi impak kepada penurunan kadar jenayah, PBT pertama di Malaysia yang dinauliahkan ISO 45001:2018 bagi Sistem Pengurusan Keselamatan, Kesihatan Pekerjaan dan Alam Sekitar;
- » Program Bandaraya Mesra Kanak-Kanak yang memperkasakan golongan kanak-kanak dalam perancangan dan pengurusan bandar;
- » Program Hari Tanpa Kenderaan ke arah bandaraya rendah karbon dan gaya hidup sihat;
- » Program Pemutihan Aktiviti Perniagaan di kawasan kediaman bagi menggalakkan pertumbuhan ekonomi yang berdaya saing dan selesa; dan
- » ‘Branding’ PJKITA menggunakan platform digital bagi menggalakkan tindakan ke arah kemampanan secara bersama di antara Majlis dan ‘stakeholders’ melalui konsep perkongsian pintar dan penyampaian maklumat.



Datuk Bandar, Dato' Sayuthi bin Bakar bergambar kenangan bersama para pemenang Petaling Jaya Sustainable Community Awards 2019.

# INFORMATION SECURITY MANAGEMENT SYSTEM (ISMS)

PETALING JAYA

MUHAMED AZMI YUSOFF  
azmi.yusoff@mbpj.gov.my

Audit Pemantauan kedua MS ISO 27001:2013 Sistem Pengurusan Keselamatan Maklumat (Information Security Management System-ISMS) oleh pihak SIRIM QAS International Sdn. Bhd. ke atas MBPJ telah dilaksanakan dengan jayanya pada 16 dan 17 November yang lalu.

Berdasarkan audit pemantauan itu, tiada Laporan Ketakakuran yang dilaporkan oleh Pasukan Audit Sirim QAS International Sdn. Bhd. dan mengesyorkan diteruskan pensijilan tanpa pindaan. Skop pensijilan ISMS adalah meliputi ‘Sistem Pengurusan Keselamatan Maklumat bagi Maklumat Elektronik Majlis Bandaraya Petaling Jaya yang merangkumi proses Cukai Taksiran dan Aduan Awam’.



## BIL CUKAI TAKSIRAN : MBPJ LAKSANAKAN SECARA ELEKTRONIK DI APLIKASI ECUKAI@MBPJ

PETALING JAYA

NORSHALIZAWATI BT HJ BAHARUDDIN  
nor@mbpj.gov.my

Menjelang tahun 2021, Majlis Bandaraya Petaling Jaya akan terus mengorak langkah ke arah transformasi digital bagi perkhidmatan PBT selaras dengan teknologi hijau dan memanfaatkan sepenuhnya teknologi generasi kelima (5G). Keperluan kepada transformasi dan inovasi terkini dalam penyampaian perkhidmatan bukanlah lagi satu pilihan akan tetapi ianya dilihat menjadi suatu keperluan.

Justeru, bermula pada penggal 1 tahun 2021 bil cukai taksiran boleh dimuat turun secara elektronik melalui aplikasi ecukai@mbpj. Aplikasi ini memberikan perkhidmatan semakan bil cukai taksiran, pembayaran dan juga pertukaran alamat surat-menjurut. Pengguna juga boleh memuat turun aplikasi ecukai@mbpj melalui Google Play Store dan Apple Store.

Peralihan serahan bil cukai taksiran secara fizikal kepada bil elektronik ini akan memudahkan kepada lebih 250 000 pemilik harta di Petaling Jaya. Sepanjang tahun 2020 (Januari 2020 – Oktober 2020) Majlis menerima lebih kurang 2,000 bil yang dikembalikan kerana tidak dapat diserahkan kepada pemilik harta disebabkan alamat tidak lengkap dan menghadapi pelbagai masalah ketika penyerahan bil yang menggunakan alamat harta tanah kosong. Aduan orang awam yang tidak menerima bil pada tahun ini sebanyak 1,067 juga dapat diatasi dengan adanya aplikasi ini.

Aplikasi ini turut menyediakan integrasi dengan epay@mbpj dan kepada pemilik harta boleh membuat pembayaran bil cukai taksiran mereka secara atas talian dengan hanya menggunakan kad kredit, kad debit atau FPX. Melalui platform ini, pengemaskinian pembayaran melalui aplikasi ecukai@mbpj adalah secara ‘real time’ dan ianya dapat mengurangkan pergerakan masyarakat berurus di kaunter Majlis.

Selain itu juga, pengurusan operasi dan sistem penyampaian Majlis yang efisien dapat dipertingkatkan lagi menerusi penggunaan teknologi secara berkesan kepada pelanggan. Penjimatan kos operasi dijangka sebanyak RM 800,000 setahun jika tiada lagi penghantaran bil cukai secara fizikal yang diamalkan seperti sebelum ini.

Aplikasi yang dibangunkan ini sangat mudah digunakan kepada semua pengguna. Setiap penambahan akaun cukai taksiran dalam aplikasi ini hanya menggunakan nombor akaun cukai dan nombor fail rujukan sahaja. Kepada pengguna yang ingin tatacara penggunaan aplikasi secara lebih mendalam, boleh memuat turun e-panduan di laman web Majlis [www.mbpj.gov.my](http://www.mbpj.gov.my).



Disediakan oleh : MUHAMED AZMI YUSOFF (azmiyuosoff@mbpj.gov.my)



**Gotong-royong Perdana Zon 18**

**TAMAN MEDAN, 27 SEPTEMBER 2020** - Ahli Majlis Zon 18, YM Raja Fairuz Raja Mazlan telah mengadakan program gotong-royong perdana di kawasan perumahan Desa Mentari untuk menghapuskan tempat-tempat yang berisiko menjadi tapak pembiakan nyamuk aedes. Beliau kemudiannya bersama pasukan SEDAR blok 11 dan Unit Vektor, MBPJ memantau kawasan persekitaran blok dan membuat lawatan ke beberapa buah rumah.



**Temu Bicara Bersama Balai Polis Seapark**

**SEKSYEN 22, 20 SEPTEMBER 2020** - Persatuan Penduduk Seksyen 22 dengan kerjasama Ahli Majlis Zon 19, En. Farhan Haziq Mohamad dan Ahli Dewan Negeri Kg Tunku, YB Pn. Lim Yi Wei telah mengambil inisiatif mengadakan perjumpaan bersama Balai Polis Seapark yang berlangsung di gelanggang bola keranjang Jalan 22/45. Perjumpaan ini untuk memberi penerangan mengenai tips keselamatan kawasan perumahan termasuk mengingatkan para penduduk mengenai jenayah scam yang menjadikan warga emas sebagai sasaran dengan menyamar sebagai pihak berkuasa.



**Ziarah Veteran**

**KELANA JAYA, 24 SEPTEMBER 2020** - Ziarah veteran Zon 22 telah diadakan sebagai kunjungan hormat kepada penduduk warga emas yang telah bersara, tapi masih aktif menerajui persatuan penduduk dan menjalankan aktiviti-aktiviti kemasyarakatan. Program ini merupakan anjuran Ahli Majlis Zon 22, Pn. Rahibah Che Omar dan turut dihadiri Ahli Dewan Negeri Seri Setia, YB Tn. Halimey Abu Bakar.



**Gotong-royong Perdana Pangsapuri Seri Meranti 2020**

**ARA DAMANSARA, 20 SEPTEMBER 2020** - Bertempat di Pangsapuri Seri Meranti, Jalan PJU 1A/5 telah diadakan program gotong-royong perdana Pangsapuri Seri Meranti 2020. Gotong-royong ini bertujuan untuk menanamkan sifat kerjasama dalam kalangan penduduk dan membersihkan kawasan sekitar pangsapuri bagi mengelakkan perlakuan pembiakan nyamuk aedes.



**Easy to Achieve (E2A)**

**TAMAN AMAN, 19 SEPTEMBER 2020** - Ahli Majlis Zon 19, En. Farhan Haziq Mohamad dengan kerjasama Hong Leong Foundation telah mengadakan program Easy to Achieve (E2A) bagi meningkatkan penguasaan bahasa Inggeris dalam kalangan pelajar berumur 7 tahun hingga 9 tahun. Program ini telah berlangsung sebanyak lima siri dengan sokongan tajaan oleh Hong Leong Foundation.



**Klinik Undang-undang Syariah**

**KG. TUNKU, 27 SEPTEMBER 2020** - Pusat Wanita Berdaya (PWB) DUN Kg. Tunku dan Pejabat Ahli Majlis MBPJ Zon 19 telah mengadakan klinik undang-undang syariah berkenaan "harta sepencarian" dan proses tuntutannya. Program ini bertujuan untuk memberikan pendedahan terhadap hak seorang isteri dalam aspek perundangan Islam berkenaan "harta sepencarian" yang telah disampaikan oleh seorang peguam syarie terkemuka, Pn. Majdah Muda.

# BERITA PETALING JAYA

Misi Perkhidmatan Pelanggaran

**Mesra, Cepat & Tepat**

KUALITI KEUTAMAAN KAMI



[www.mbpj.gov.my](http://www.mbpj.gov.my)



Majlis Bandaraya Petaling Jaya



pjcitycouncil



pjkita



smartpj

BIL. 8/2020

• : 03-7956 3544 samb. 203 / 205 / 206

: 03-7958 2695

: media@mbpj.gov.my

**PERCUMA**

## OPERASI PENGUATKUASAAN DAN TINDAKAN DI PETALING JAYA

PETALING JAYA

ABDUL HAKIM KHAIRUDDIN  
abdulhakim@mbpj.gov.my

### OPERASI PENGUATKUASAAN KE ATAS AKTIVITI PEMBUANGAN SAMPAH HARAM DI KAWASAN PETALING JAYA

Majlis telah melaksanakan operasi penguatkuasaan secara berterusan bagi membanteras aktiviti pembuangan sampah haram di sekitar Petaling Jaya. Operasi penguatkuasaan yang dilaksanakan adalah merangkumi kawasan-kawasan *hotspot* pembuangan yang telah dikenalpasti. Objektif pelaksanaan tindakan penguatkuasaan ini adalah bagi mendidik masyarakat Petaling Jaya agar lebih prihatin terhadap isu-isu kebersihan persekitaran di samping memastikan bandar raya Petaling Jaya kekal mampan, berdaya tahan dan dinamik.

Selaras dengan pelaksanaan Petaling Jaya sebagai bandar raya pintar, Majlis telah menempatkan CCTV mudah alih (mPOD) di beberapa lokasi sekitar Petaling Jaya bagi memudahkan pemantauan. Hasil daripada operasi yang telah dijalankan sepanjang bulan Oktober 2020, sebanyak 61 tindakan kompaun telah dikeluarkan. Manakala pada tahun 2020, sebanyak 287 tindakan kompaun telah dijalankan.

### OPERASI PENGUATKUASAAN BAGI MEMBANTERAS AKTIVITI PENIAGA WARGA ASING DIKAWASAN PETALING JAYA

Majlis telah melaksanakan operasi penguatkuasaan secara berterusan bagi membanteras aktiviti-aktiviti perniagaan yang dikendalikan oleh warga asing di sekitar Petaling Jaya. Semakan yang dilaksanakan

merangkumi aktiviti-aktiviti perniagaan tred tanpa lesen, penjaja dan pasar awam.

Hasil daripada operasi yang telah dijalankan sepanjang bulan November 2020, sebanyak lapan operasi penguatkuasaan yang melibatkan 13 tindakan sitaan dan penutupan telah dilaksanakan. Manakala setakat November 2020, sebanyak 100 operasi penguatkuasaan yang melibatkan 604 tindakan sitaan dan penutupan telah dijalankan.

Operasi-operasi penguatkuasaan ini akan diteruskan bagi memastikan tiada penglibatan warga asing di dalam aktiviti-aktiviti perniagaan yang dilarang oleh pihak berkuasa.



**KAWASAN WABAK DENGGI**  
**MAUT**



MBPJ

Jagalah Kebersihan  
Kawasan Perumahan Anda  
**Kebersihan Tanggungjawab Semua**  
Musnahkan Tempat-tempat Pembiotakan  
**NYAMUK AEDES**

Bersama-sama Dengan MBPJ  
Untuk Menghapuskan Nyamuk Aedes

Jabatan Perkhidmatan Kesihatan Dan Persekitaran  
Tel : 03-7955 2381 / 03-7956 2939

